



4. november 2015

**SIUMUT
INATSISARTUT**

UKA2015/107

Soraarnerussutisiallit pissakinnerit nammineq inigisaminniittut illuminnut 100.000 kr.-it angullugit aserfallatsaaliiinissanut pisariaqartunut tigusaqarnissaannik periarfissinnejarnissaannut Naalakkersuisut upernaakkut 2016-imi ataatsimiinnissamat inatsisisamik saqqumiinissaannik Inatsisartut aalajangiiffigisassaattut siunnersuut.

(Inatsisartunut ilaasortaq Ane Hansen, Inuit Ataqatigiit)

Soraarnerussutisiallit pissakinnerusortaasa illuutaannik 100.000 kr.-it angullugit aserfallatsaalineqarnissaannut tunngatillugu tapiiffigitittarnissaannut sammititaq Ane Hansenimit Inuit Ataqatigiinneersumit siunnersuutigineqartoq Siumumiit imaattumik oqaaseqarfingissavarput.

Aallarniutigalugu Siumumiit pingaaruteqartutut isigaarpot oqaatigissallugu nunatsinni innuttaasup kialluunniit namminerisamik ineqarnerata tapersersortuarneqarnissa kaasalu nunatsinni innuttaasoq kinalluunniit akissaqartitsiffigisaminik ineqarnissamat pisinnaatitaaffeqarnissa. Taamaattumik ineqarnermut tapiissutitigut periarfissanik pitsasunik peqartuarnissap qulakkeersimaneqarnissa Siumumiit pingaaartutut isumaqarfingissavarput.

Siumumi tunngaviusumik isumarpot ersarissartuagarpullu tassaavoq utoqqaat imaluunniit soraarnerussutisiallit nammineq angerlarsimaffimminni sapinngisamik sivisunerpaaqik najugaqarnissaat qulakkeerneqassasoq, tamumani soorunami aamma inuuniarnikkut atukkat pitsaasuusariaqarnerat avaqqunneqarsinnaanatik.

Siumumiilli siunnersuuteqartup tunngavilersornermigut sunarpiaq anguniarlugu ersersikannerluaraa, isumaqarpugut taassisutissartaata erseqqarlungtunuerata inuiaqatigiinni ineqarnermi tapiissutaasartut maannakkumut atuuttunit allaanerusumik aaqqissuusaasumik siunnerfeqartoqartoq. Siumumiit paasinninnerput tunngavigalugu illuutillit pineqartut kr. 100.000-it angullugit aserfallatsaaliiinissanut pisariaqartunut "tigusaqarnissaannik" oqaasertaliisimaneq paatsuungassutigatsigu matumani siunnersuuteqartumit erseqqissaateqartoqarnissa kissaatigaarpot.

Boligstøttenik illuuteqartut akornanni amerlasuut 100.000 kr.-it tikillugit annertussusilinnik illuutigisaminnik iluarsartuussinissamat, allilerinissanut pitsangorsaanissamulluunniit atugassanik periarfissap 2009-miit 2013-mut Naalakkersuisuusimasunit atorunnaarsinnejarnissat ukiualuit matuma siorna Siumumiit siunnersuuteqarnitsigut atuutilertinneqaaqqinera aqqutissiuunikuuvapput. Tamassumalu innuttaasunit boligstøtte aqqutigalugu illuuteqartunit annertuumik iluarisimaarneqarnera tusartuarparput.

Aqqissuussamulli tassunga tapersiissuteqarsinnaaneq taamaallaat pisinnaavoq boligstøtte aqqutigalugu taarsigassarsisimasunut sulilu illumut taarsersuisunut. Tassalu assersuutigalugu boligstøtte aqqutigalugu taarsigassarsisimasut, taamaattorli illumik tamakkiisumik piginnittuulersimasut matumani illuutimik iluarsartuunneqarnissaannut pisortanit taperneqarsinnaanermik periarfissaqartinnejannigillat.

Tamassumalu siunnersuut manna aqqutigalugu periarfissarsiuunneqarsinnaanerata peqqussutip allangortinneratigut Siumumiit misissussallugu piumassuseqarfingissavarput. Maannakkummi Aningaa-sanut inatsit aqqutigalugu kiisalu ukiuni missingersuussiorfiusuni 10 mio. kr.-nit ukumut aningaa-

saliissutaasarput, taamaattumillu sinaakkutit taakkua iluanni siunnersummi matumani anguniareqartut periarfissaqarsinnaanerannik ujartuinissaq Siumumiit inassutigaarput, immikkut inatsisismik pilersitsinissaq aqqutigingikkaluarlugu.

Siumumi isumaqarpugut boligstøtte aqqutigalugu illuutillit taamatullu soraarnerussutisiaqartut pissakinnerit illuutimik annertunerusumik iluarsartuunnissaanut taperneqarnissamut pisariaqartitsinerat ullumikkut siusinnerusumut sanilliullugu annertunerusoq, nunamimi matumani suliffissaaleqinerup annertuumik atugaaneratigut inuuniarnermut aningaasartuutit ajorseriaateqarsimancerat isumaqatigiilluta oqaatigisinnaagunarpaput.

Orsussap akia qaffakkiartuaarsimavoq, suliffinnik nutaanik annerusumik pilersitsisoqarsimangilaq taamatullu nerisassat inuussutissallu akii qaffakkaluttuinnavissimallutik.

Inuiaqatigiinni taamatut inisisimasoqarnerani aningaaserivinni attartorsinnaanermut periarfissat ajornannginnerulersimasutut oqaatigineqarsinnaanngillat, boligstøtte aqqutigalugu illuutillit naliginnaasumik soraarnerussutisiaqarlutillu sulisartuupput inuuniarnermi artornartorsioreersut. Illup iluarsartuunneqarnissanut pisariaqartitsineq kiisalu qanganitseriartornera peqatigalugu kiasnarnermut orsussap atorneqartartup qaffakkiartortarnera tamatta ilisimavarput. Taamaammat innuttaasut namminneq isertitakitsuunertik pissutigalugu naliginnaasumik aningaaseriviit aqqutigalugit siunertamut attartornissamut periarfissaqanngitsunut iluarsartuussinissamut atatillugu tapiiffigineqarsinnaanermut periarfissanik siunnersuuteqartup ujartuinera paasinarpoq.

Taamatut Siumumiit oqaaseqarluta siunnersuutip aappassaaniinnginnerani ataatsimiititaliami susassaqartumi suliarineqarnissaa innersuussutigaarput.

Anders Olsen, Siumut